

Cuscenza

A mè

Mi fermerà sempre in la mente
Quelle vite chi so spente
Quelli bracci ripiegati
Elli ch'eranu sempre alzati

Per tè

O terra di tanti strazzi
O terra di tanti lagni
O terra di tante assenze
E di tante indifferenze

E elli

Causi di tanti frastorni
Di tanti nigrumi in li ghjorni
A to storia s'hanu arrubatu
I to diritti hanu nigatu

Ma noi

Cuscenti di lu nostru avvene
Vulemu fà un lindumane
Per u figliolu chi ghje natu
Per u fratellu liberatu

'cu voi

Inc'una cuscenza cumuna
Sparteremu ogni furtuna
Purteremu a bracce tese
Ogni vule d'issu paese

Senza elli

Ch'a l'avvene un volenu crede
Chi chjodenu l'occhji per un vede
Chi d'ogni passu siguru
Si sticcia tuttu cio ch'è scuru

Inseme

Demu a la vita i so culori

A la paura i so timori

A e prussime generazione

U so paese a so nazione

Demulli

Inseme, inseme, inseme...